

## **Qeqertarsuup Tunuani aqutsisoqarfimmi qassusersorluni inuutissarsiutigalugu aalisarneq pillugu Avannaata Kommunanut ileqqoreqqusaq, xx.xx.2020-meersoq**

Aalisarneq pillugu Inatsisartut inatsisaat nr. 18, 31. oktober 1996-imeersumi § 23, imm. 2 aamma § 33, imm. 2, kingusinnerpaamik Inatsisartut inatsisaat nr. 28, 28. november 2016-imeersumi allangortinneqartoq, aamma Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 11, 28. august 2014-imeersumi § 10, imm. 2 malillugit aalajangiunneqarput:

### *Atuuffia*

§ 1. Qeqertarsuup Tunuani aqutsisoqarfimmi, 68° 52,5'N-ip avannaani, aamma 70° 30'N-ip kujataani sineriammit sumiiffiusumi, aamma aalisartoqarfimmut tunngavigisatut killingisat avataanni sòmilit pingasut tikillugit nassuiarneqartutut inuussutissarsiutigalugu aalisarnermut ileqqoreqqusaq atuuppoq.

### *Inuussutissarsiutigalugu qassusersorluni aalisarneq*

§ 2. Ilanngussaq 1-imi sumiiffinni nalunaarneqartuni inuutissarsiutigalugu qassusersorluni aalisartoqaqqusaanngilaq.

§ 3. Ileqqoreqqusami matumani aalajangersakkanit malittarisassaqaqtitaanngikkuni ilanngussaq 1-imi sumiiffiit nalunaarsukkat avataanni inuutissarsiutigalugu qassusersorluni aalisartoqaqqusaanngilaq.

### *Qassusersorluni qaleralinniarneq*

§ 4. Qaammatini januaarimi, februaarimi, marsimi, apriliimi aamma maajimi ilanngussaq 1-imi sumiiffiit nalunaarsukkat avataanni inuussutissarsiutigisatut qassusersorluni qaleralinniartoqaqqusaavoq.

§ 5. Inuussutissarsiutigisatut qassusersorluni qaleralinniarnermi qassutit nigartaannut minnerpaaffissaq 190 mm-iuvoq.

§ 6. Inuussutissarsiutigisatut qassusersorluni qaleralinniarnermi akuersissutinik piginnittut ataasiakkaat tamarmik annertunerpaamik qassutit qaleralinniutit qulit atorsinnaavaat, taakkulu tamakkerlutik 950 meterit sinnerlugit annertussuseqartussaannngillat.

### *Qassusersorluni saarullinniarneq*

§ 7. Ilanngussaq 1-imi sumiiffiit nalunaarsukkat avataanni qassusersorluni saarullinniartoqaqqusaavoq.

§ 8. Inuussutissarsiutigisatut qassusersorluni saarullinniarnermi qassutit nigartaannut minnerpaaffissaq 160 mm-iuvoq.

## *Qassusersorluni aalisarnermut ataatsimoorussatut aalajangersakkt*

**§ 9.** Inuussutissarsiutigisatut qassusersorluni aalisarnermi qassutit isui tamarmik nalunaaqutsersuutitut puttaquteqassapput.

*Imm. 2.* Angallatit 8,53 meter l.o.a.-mit takinerusut nalunaaqutsersuutitut puttaqutini minnerpaamik allunaamik 10 mm-imik peqassapput.

*Imm. 3.* Angallatit 8,53 meter l.o.a. inorlugu takissusillit nalunaaqutsersuutitut puttaqutini minnerpaamik allunaamik 8 mm-imik peqassapput.

*Imm. 4.* Aalisartut sikumi aalisartuusut nalunaaqutsersuutitut puttaqutsini minnerpaamik allunaamik 6 mm-imik peqassapput.

*Imm. 5.* Pissutsit tamatuminnnga pisinnaatitaqartillugit qassutit ivertinnerisa kingornatigut nal. akunnerisa 24-t iluanni qaqqeqqinneqassapput.

**§ 10.** Aalisarnermut atortut piginnittup aqqanik najugaanillu, imaluunniit angallatip aqqanik umiarsualivimmullu ilisarnaatitut allannertaanik nalunaarsorsimaneqassapput. Nalunaarsuutaasoq imermi atasinnaasutut issuseqassaaq. Teknikki pillugu attassinissamut suliaqartarnerit pillugit Namminersorlutik Oqartussat nalunaarutaanni § 18 innersuutigineqarpoq.

**§ 11.** Qassutit annaasat erniinnaartumik piginnittumit qaqqinneqassapput.

*Imm. 2.* Qassutit ikiorserneqarani qaqqinneqarsinnaanngitsut Avannaata Kommunanut nalunaarutigineqassapput. Aamma teknikki pillugu attassinissamut suliaqartarnerit pillugit Namminersorlutik Oqartussat nalunaarutaanni §§ 19-20 innersuutigineqarput.

**§ 12.** Ukiuunerani sikoqarnerata qassusersorluni aalisarneq ajornartorsiortissappagu najugarisami peqatigiiffinni tusarniaareernermigut qassusersorluni aalisarneq kommunalbestyrelsip matusiffigisinnaavaa.

## *Pineqaatissiissutit*

**§ 13.** § 2, § 3, § 4, § 5, § 6, § 7 aamma §§ 8-11 unioqquitsinerit akiligassinneqarnermik nassataqartitsisinnaapput.

*Imm. 2.* Imm. 1 malillugu akiligassiissutit Kalaallit Nunaanni pinerluttulerinermut inatsimmi malittarisassat malillugit inatsisitigut inuttut naatsorsuussanut akileqqusaasinnaapput.

## *Atuutilernera*

**§ 14.** Ileqqoreqqusaq xx. xx. 2019-imi atuutilerpoq.

*Imm. 2.* Taamaalinerani Qeqertarsuup Tunuani aqutsisoqarfimmut atuuttoq Qassusersorluni qaleralinniarneq pillugu Qaasuitsup Kommunanut ileqqoreqqusaq 6. september 2011-meersoq atorunnaarsinneqarpoq.

*Imm. 3.* Ileqqoreqqusaq uani nalunaarutaavoq: <https://naalackersuisut.gl/Kundgoerelser>, takuuk Inatsisartut aamma Naalackersuisut pillugit Inatsisartut inatsisaanni § 31, imm. 3, aamma qarasaasiakkut nalunaaruteqartarneq pillugu Namminersorlutik Oqartussat nalunaarutaat.

Taamatut ulloq xx.xx 2020-mi Avannaata Kommuniani Kommunalbestyrelsimit akuersissutigineqarpoq.

---

Palle Jerimiassen  
Borgmesteri

Aqutsisoqarfimmi Qeqertarsuup Tunuani inuussutissarsiuutigisatut qassuserlunilu aalisarneq pillugu Avannaata Kommuniata ileqqoreqqusaa aalajangersarneqarpoq.

Namminersorlutik Oqartussat, ulloq xx. xx. 2020

---

Jens Immanuelson  
Aalisarnermut, Piniarnermut Nunalerinermullu Naalakkersuisoq

## Bilag 1

Sumiiffiit makku iluini inuutissarsiutigisatut qassusersorluni aalisarneq inerteqqutaavoq:

Nuuaarsuk – Eqip avataa:

1. Sermermiut nuuat	69°12,0N	51°08,2W
2. Pitoqqiup nuua	69°08,1N	51°02,2W

Torssukátak – Ilulissat avannaani:

1. Nungaaq	69°57,5N	51°16,1W
2. Ikerasannguup kangimut nuua	69°55,5N	51°14,0W
3. Sammisunnguaq	69°53,9N	50°48,6W
4. Qeqertakassaap Saqqaa	69°54,7N	50°47,0W
5. Ilerfit	69°55,2N	50°39,9W
6. Anap Nunaa	69°55,4N	50°37,0W

Immap assingani takussutissat

- Ilulissat eqqaa
- Qeqertap eqqaa

Nunap assinganik ilanngussat missingersuutaannaapput. Naapertuttoqartinnagu allorniusanut tukimukartunut sanimukartunullu siuliani allassimasutut naleqqerfiit atuutissapput.